

ЛЕЗГИ

Газет



Жуван Ватан, ватанэгълияр,
дидед чIал хуьх!

Са тIимил вахт идалай вилик Минск ше-
гьерда женгинин самбодай Европадин чем-
пионат кьиле фена. Санлай къачурла, ана
18 уьлкведай атанвай 300-дав агакна
спортсменри иштиракна. Абурун арада ери-
бине Сулейман-Стальский райондай тир
Икрам АЛИСКЕРОВНИ авай. Финалда чи
ватандаш Украинадай тир лап къуватлу
спортсмен Дмитро Батокахъ галаз майдан-
диз экъечна, ана инанмишвилелди гъалиб-
вал ва адахъ галаз санал Европадин чем-
пионвилин тIварни къазанмишна.
Муниципальный райондин кьил Н. Аб-
дулмуталибова Икрам Алискероваз чIехи
агалкьун мубаракна ва адахъ мадни виниз
тир агалкьунар хъана кланзавайди лагъана.



1920 – йисалай акъатзава

N 24 (10773) хемис 15 – июнь, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

Россиядин югъ - садвиллин сувар

Земфира БАБАЕВА

Махачкъала

Гъар йисан 12-июндиз чи уьлкведин вири
халкъари Россиядин югъ - государство-
дин кьилин сувар къейдзава. Россиядин
югъ - им азадвиллин, ислягъвиллин, вири
инсанар санал, дуствилелди яшамиш
хъунин ва гъахълувиллин суваря. Россия-
дин Федерациядин государстводин аслу
туширвиллин гъакъиндай Декларация къа-
булуни Россиядин государственностдин
цийи девирдин бине кутуна. И сувари чун
чи уьлкведин садвал ва адахъ зурба ге-
лежегъ жедайдахъ инанмишарзава. Рос-
сиядин югъ Ватандин къенин йикъан ва
гележегдин патахъай вирида жавабдар-
вал аннамишунин жанлу лишандиз элкь-
венва.

шегьердин кьилин майдандални паркара
суварин мярекатар давам жедайдакай ха-
бар гана.

“Дуствилин кIвалин” вилик квай май-
дандал милли политикадин ва жегилрин
кранин рекъай министерствойри тешкил-
навай сувариз талуькъарнавай концерт кь-
ле фена. Мярекатда студентри ва волон-
терри иштиракна. Концерт 6752 - воинский
частунин духовой оркестрди Государство-
дин Гимн ягъунилай башламишна ва Да-
гъустандин тIвар-ван авай манидарри
(Жаклина, Алина, Гуьлдесте, Зульфия,
Сабина Тагъирова, Абдул Мурадov ва мсб.)
давамарна. Концертда иштираккай вири ма-
нидарар гъурметдин грамотайриз лайих-
лу хъана.

И вахтунда “Дуствилин кIвале” Вири-
россиядин “Чун - Россиядин граждaнaр”
акциядин лишандик кваз жегилрив пас-



Россиядин югъ Дагъустанда шад гьалара къейдна

Дагъустанди Россиядин общество туп-
ламишунихъ, уьлкведин оборона мягке-
марунихъ, гзаф миллетрин векилрикай
ибарат государстводин гъуьндурвал дуб-
нядин майданда хкажунихъ элкьуьрна-
вай РФ-дин Президетдин рекъин тереф
хуьзва.

Россиядин югъ чи уьлкведин вири ре-
гионра, шегьерра, района къейдна. И ва-
къиадиз талуькъарнавай шад мярекатар Да-
гъларин уьлкведин меркезда гегъеншдиз
кьиле тухвана. Сувар Урусрин М. Горький-
дин тIварунихъ галай госдрамтеатрдин ви-
лик “Россия - чи Ватан” лишандик кваз кон-
церт гунилай башламиш хъана. Анал рахай
шегьердин кьил Муса Мусаева меркезвий-
риз ва мугъманриз сувар мубаракна ва

портар вахкунин мярекат кьиле фена.
Анал РД-дин Гьукуматдин Председател-
дин Сад лагъай заместитель Анатолий
Къарибова шегьердин школайра хъсандиз
келзавай ва 14 йис тамам хъанвай жаван-
рив шад гьалара Россиядин Федерация-
дин граждaнрин паспортар вахкана. Абу-
руз и кар РД-дин Гьукуматдин Председа-
телдин заместитель Екатерина Толстикова-
вади ва РД-дин Кьилин ва Гьукуматдин Ад-
министрациядин руководителдин сад ла-
гъай заместитель Алексей Гьасанова теб-
рична.

Ленинан комсомолдин тIварунихъ га-
лай паркуна авай Аскердин памятникдин

► 2

Мубаракрай!



Ери-бине Сулейман-Стальский райондин Къасумхуьрелай тир
Азим Алаудинович ЯРАГЪМЕДОВАЗ РФ-дин Президент Владимир
Путинан 2017-йисан 10-июндин Указдалди 1-классдин Чрезвычай-
ный ва Полномоченный Посланникдин дипломатвиллин дережа ган-
ва. И дережа генерал-полковникдин чиндихъ галаз барабар яз къазва.

А. Ярагъмедов Эритрея государствода РФ-дин Чрезвычайный ва
Полномочный Посол я. И къуллугъдал тайинардалди ада РФ-дин
МИД-да, Тажикстанда Генконсулвиле кIвалахна.

2011-йисалай 2015-йисалди ам Россиядин МИД-дин Федераци-
ядин субъектрихъ, парламентдихъ ва общественный тешкилатрихъ галаз алакьаяр хуь-
нин рекъай Департаментдин директордин къуллугъдал алаз хъана.

* * *



Кьиблепатам территориальный округда Дагъустандин Кьилин
патай тамам ихтиярар ганвай векил **Энрик Селимович МУСЛИМОВ**
Россиядин военный тарихдин обществодин (РВИО) Дагъустандин
региональный отделенидин Къаюмвалдай советдин председател-
виле рейсавилелди хъанава.

“Э. Муслимова РВИО-дин Дагъустанда авай отделенидин кIва-
лахда иштирак авуни чIехи проектар кьилиз акъуддай, кIвалахдин
менфятлувал хкаждай мумкинвал гуда”, - къейдна Къаюмвиллин со-
ветда авай чешмеди.

Рикел хкин, Россиядин военный тарихдин общество РФ-дин Президент Владимир
Путинан 2012-йисан 29-декабрдин Указдалди тешкилна.

РВИО Урусатдин Императордин военный тарихдин обществодин адетар давамарза-
вай къурулуш я.

И общество РФ-дин оборонадин ва культурадин министерствойри тешкилнавайди я.

Лезгийя - Европарламентда



ФЛНКА-дин векил Гь. Шагъпазова Брюсселда къадардиз тIимил тир
халкъарин ихтиярар хуьнин месэлайрай тежриба къачузва

Алай йисан майдин эхирар - июндин эвел
кьил Лезгийрин автономия патал важиб-
лу ва къийайралди лишанлуди хъана. Абу-
рун арада, гьелбетда, сифтегъан чкадал
ФЛНКА-дин V Съезд ала. И мярекатдиз
талукъ чIехи материалдиз ФЛНКА-дин
сайтда чка ганва. Съезддал и тешкилат-
дин президент Ариф Керимова доклад
авуна.

Тайин тир уьлквейра чпин векилрин
къадар тIимил тир халкъарин месэлайрал
машгъл жезвай Европадин гъуьндур де-
режадин къурулушрихъ галаз санал кIва-
лахун къайдадик кутуникай рахадай чIавуз
А. Керимова Брюсселда къадардиз тIимил
тир халкъарин ихтияррин рекъай пешекар

► 2



ВАТАНПЕРЕСВАЛ

Советрин Союздин Игит Валентин Эмиро-
ван тIварунихъ галай, пак князь А. Невский-
дин орден авай Дербентдин кадетрин кор-
пусди мад сеферда лап вини дережадин не-
тижаяр къалурна, ругуд номинациядайни
сад лагъай чкаяр къуна.

► 3




МЕДЕНИЯТ

Жаванризни жегилриз руьгъдинни ах-
лакьдин тербия гунин кIвалах мадни хъсанар-
унин мураддалди района волонтеррин гье-
рекат вилик тухудай центр ва военно-патри-
отический тербия гунай комиссия тешкил-
нава.

► 10

Имамали Халилован 80 йис



руьгдай аватнавач. Акси яз, адан яратмишунрин кваллахдик мадни артух гьерекат акатнава, сергытар мадни геьенш жезва. Эхь, девирар кьез алатда, пачагьар, президентарни дегиш жада, анжах халис искусствовири девирра амукьда!”

(“ЛГ”-дин 1997-йисан 9-майдин нумра)

Искусствовед З.А.Гейбатов-Шолоховди “Дагъустандин художникрикай очеркар” ктабда кхьенвайвал, “Имамали Халилова вичин яратмишунра кьилинди яз ишлемшзавай гуьрчегвилини генгвилини садвал кьалуруни кьайдада адаз виливай кьатлуз жейда эсерар арадал гьидай, вичин кваллахра кхьирин, мозаикадин, графикадин, скульптурадин, чеканкадин (атлунрин) ва маса жуьрейрин техникадикай менфят кьачуда мумкинвал гузва. Идани чав ху-

И.Халилова а вакъиадиз бахшна ягъай шикларни алама. Абурукай чи алай аямдин зурба арифдар, писатель Агьед Агъаева Ярагь Мегьамедакай кхьенвай, вич Кьуръан хьиз туйкуьрнавай махсус ктабда менфят кьачунва.

А ядигаррикай художникди вичи лугъузава: “Шейх Ярагь Мегьамедан кьамат зи рикле фадлай авай. Зурба камалгъли, арифдар, хайи халкь истисмарчи зулумкарикай азад авунин пайдах хкажай касдин кьамат арадал хкун акьалтлай жавабдар кваллах тирди за гьиссзавай. Ингье за члугунвай портрет: Шейх Ярагь Мегьамед вичи яратмишай камаллу ктабрин юкьва кабинетда ацукьнава. Яраб ам гьихтин фикирри яргьариз тухванватла! Та-



Рангарин музика!

Мердали ЖАЛИЛОВ

И йикъара Дагъустандин художникри, яратмишдай ксарин еке дестейри, общественности Ахцегь райондин дагъдин лекьрен мугькван авай хуьр тир Ялахъай акъатнавай художник, РФ-дин художникрин Союздин член, лап хъсан инсан, дустарикай дуст, Ватандал ва халкьдал бинедилай ашукь кас **Имамали Халилович ХАЛИЛОВАН** 80 йисан юбилей шад гьалара кьейдзава.

дожикди вичин вилик эцигзавай месэлайрин заланвал ва муракабвал рикливай гьисс ийиз тазва”.

Ибур гьечви баянар туш. Инал зи рикел художник Имамали Халилован яратмишунриз килигай, кьимет гайи хейлин мярекатар хквезва.

1981-ЙИС. И.Халилова - художникди - графикди Загребда (Югославия) кьиле фейи мекепада кьилин художник яз иштиракна.

1987-ЙИС. И.Халилован яратмишунриз Измирда (Туркия) килигзава. Ина адал ви-


хьайтла нубатдин “Асар” теснифуникай фикризаватла? Са кар тайин я: ада дагъвийриз луквал терг авуниз эвер гузва...

Ихьтин баянар художникдин гьар са чешнедиз гуз жада. И карни чаз мад сеферда Махачкъалада, художникрин Союздин выставкайрин залда кьиле феи устаддин юбилейдин мярекатда акуна. Ингье ам гьикл кьиле фенатла...

И.Халилован яратмишунрихь галаз таниш жез ва ам тебрикиз иниз гзаф ксар атанвай. Сифте нубатда, республикадин тивар-ван авай художник, абурун студентар ва школайрин аялар и карди ашкхиламишнавай. Гьикл хьй, ихьтин гьар са килигун искусстводин рекъевайбур патал нубатдин тарс я.

Художникдин яраб-дустарни, мукьва-кьилиярни, хуьруьнвиярни хейлинбур атанвай.

Килигдай затларни тимил тушир. Художникрин Союздин выставкайрин члехи залдин вири цларилай Имамали Халиловичан яратмишунрин саки 60 йисан рехь ва жуьреба-жуьревал, кьетенвилер, тлебиат, тямар кьалурзавай шиклири, суьретри, гравюрайри тамашачияр чпел желбзавай. Гьар са кваллах (суьрет, гравюра, шикил, пейзаж) алааматдин жуьредин рангарини кьаришмайри, экверини хъенри, цларарини кьашари арадал гьанвайди аквазвай. Тамашачийрин риклера гьахьтин гьиссерални чан кьезвай. Ина чи дагьларин тлебиатдин (синеринни дереирин, вацларинни кьамарин, гьуьлуьн ва цавун) вири гьалар чан алайбур хьиз вилик кьезва. Дагьларин куьгьне хуьрерин (Ахцегьрин, Рутулрин, Ботлихдин, Хунзах-



“Космосдиз рехь”

Заз ам таниш яз гзаф ваhtar я. Гьикл хьй, лезги члалал акъатнавай художественный гзаф ктабра адан гьили ва вилери атланвай графикадин гуьрчег шиклар ава. Абуру члалан эсерин руьгь рангаринни цларарин, кьашарин куьмекдалди клелзавайдаз мукьва ийизва. Лацу чарчел чулав кьелемдив ва я цивиндив члугазвай шиклирихьни члал рахурдай гьунар!..

Искусствовед А.Путерброта вичин “Дагъустандин искусство” ктабда И.Халиловакай “Ада рангаралди музика арадал гьизва”... гьавайда кхьенвайди туш.

РФ-дин халкьдин художник, скульптор Гь.Гейбатов И.Халилован гьакьиндай лагъай келимаярни зи рикел хквезва: “Алукьнавай девир искусство, эдебият, меденият хуьзвайбур саилриз (кьекъверагрис) элкьуьрнавайди хьанватлани, Имамали са клусни

чин фадлай жагьур хьийиз алахъай ватангьлияр - Имамали-бегдин (художникдин члехи буба) невейрикай гьалт хьийизва. Гуьгьуьнлай абур чпин бубайрин ватандизни хтана, мугьманвиле чи редакциядани хьана...

1983-ЙИС. Ленинградда кьиле фейи “Вили рекьер” выставкада И.Халилова “Каспийдал” тивар алай рангаралди члугунвай члехи панорама эцигна. И шиклиди гуьгьуьнлай Италиядиз, Грециядиз, Америкадиз - выставкайриз сиягьатна.

Художникдин яратмишунриз хайиди тир Дагъустандин чилелни гзаф сеферра килигна. 1994-1995-йисара РФ-дин культурадин Центрада (гила Дуствилин квал) кьиле фейи килигуьна иштиракун зазни кьисмет хьанай.

Зи рикел Дагъустандин члехи муршид, вичи кьуд имамдиз тарс гайи Ярагь Мегьамедан 225 йис тамам хьун кьейддайла



“Дагьларин ватанда”

Эхь, выставкадин экспозиция девлетлуди, уьмуьр вич хьиз муракабди я. И карди чи устад девиррал хкаж хьанвай кьагьриман тирди субутзава. И кар иниз атанвай саки вири мугьманрини кьейдзавай.

Юбилей тебрикиз РФ-дин художникрин Союздин председател, РФ-дин лайихлу художник Кьурбанали Мегьамедов, ДГПУ-дин профессор, РФ-дин лайихлу художник Абдулзагьир Мусаев, РФ-дин Кьилин ва Гьукуматдин Администрациядин управленидин начальниқдин заместитель Мадрид Азизханов, Ахцегь райондин кьилин патав гвай консультативный Советдин председател, РФ-дин лайихлу муаллим-художник Керим Вагьабов, РФ-дин халкьдин художник Гьейбет Гьейбатов, ДГУ-дин профессор, илимрин доктор Салигь Муслимов, РФ-дин халкьдин духтур Азедин Эсетов, выставкайрин залдин директор, РФ-дин лайихлу художник Амирхан Мегьамедов, Туркиядай хтанвай мугьман, юбилейдин мирес Ибрагьим Афажан ва маса ксар рахана. Гьа са вахтунда адаз РФ-дин Кьилин ва Гьукуматдин Администрациядин, культурадин министерстводин, художникрин Союздин, Ахцегь райондин админист-



“Дяведай чар”

рациядин патай ганвай гьуьрметдин грамотаяр, тебриқдин чарар, кьиметлу пишкешар вахкана.

Эхирдай юбилейдиз гаф гана, ада вичиз ихьтин гьуьрмет авунай гьам республикадин, гьам Ахцегь райондин, Махачкъала шегьердин руководстводиз, художникрин Союздиз, выставкайрин залдин сагибриз, иллаки выставка гьазуриз ва мярекат тешилиз вири зегьметар вичел кьачур РФ-дин лайихлу художник, юбилейдин езне Хидир-Зулдан Юнусоваз сагьрай лагьана.

Макьала за устаддин хуьруьнви, машгьур



“Уьзуьмдин кулар”

дин, Балхардин...) уьмуьр ва тарихдин шагьидар - имаратар вахъ галаз рахазвай хьиз жезва.

Графикадин кьайдада члугунвай “Махачкъаладин эцигунрин”, “Дербентдин базардин”, “Кьизилдин дередин”, “Чиркейдин ГЭСдин” ва маса композицийри анрин кьизгьин уьмуьр раижзава. Хейлин шиклар тарихдиз талукьарнава. Ватандин Члехи дяведин тема алай аямда чи кьилел атай (Бесланда, Ботлихда, Буйнаксда, Каспийскда, масанра) мусибатрин нетижаяр, террориствилини экстремизмдин идеология негъзавай шиклири давамарзава...

журналист ва писатель Казим Казимован гафаралди куьтьгьзава: “Имамалиди яратмишзава, хважамжамдивай рангар чуьнуьхиз. Ам гатфарихъ дуьньядиз атана. Кьуй адан яратмишунрин рангар са члавузни усал тахьурай!

*Яйлахрин хуьр - Ялахъар!
Усалбур жеч кваллахар!
Михьи мублагь булахар,
Мескен ачух сумахар,
Ацлай адлу чанахар...
Илиф гьар са хванахва!
Аквада кьез абадвал, -
Агакьда кьев устадвал!..*



Каспийскда - Россиядин чемпионат Гьасиррал - дишегълиляр

Рагнеда РАМАЛДАНОВА

Алатай гьафтедин эхиримжи пуд югь республикадин спортдин уьмуьрда яр-гьалди рикел аламукьдай сувариз элкъвена. Дишегълири азаддаказ кьуршахар кьунай Олимпиададин цийи циклда сад лагъайди тир Россиядин чемпионат Дагъустанда, Каспийскда, Али Алиеван тиварунихъ галай Спортдин дворецда кьиле тухун-им, сифте нубатда, регионда кьуршахар кьуниз артух фикир гунихъ, къвед лагъайдини спортдин и жуьредал машгълул жезвай дишегълирин къадар артух хьунихъ галаз алакьалу тир. Азаддаказ кьуршахар кьунай Россиядин чемпионат Дагъустанда - уьлкведин виридалайни кьилин акъажунар кьиле тухузвай сад лагъай сефер тир. Россиядин чемпионатда чи уьлкведин 32 региондай тир 120-далай виниз рушари тамам пуд юкьуз заланвиллин 8 категориядай гьасиррал чпин устадвал къалурна. Бягьсер лап итижлуодаказ ва кьизгъиндаказ кьиле фена, гьикъ хьй, ана гьалиб хьайибуруз Россиядин чемпионвиллин тиварарихъ галаз сад хьиз, Volkswagen Golf автомашин ва пулдин еке премия гузвай.

РИКЕЛ ХКИН: Каспийскда Али Алиеван тиварунихъ галай Спортдин дворец ишлемишиз вахкай 2011-йисалай инихъ Дагъустанда милли чемпионат (имни кваз) пуд сеферда кьиле тухванва. ИкI, 2011-йисуз ана Россиядин тхэквондистри, 2015-йисузни азаддаказ кьуршахар кьунай спортсменри чпин гьунарар къалурнай.

Россиядин чемпионат ачухуниз талукъарнавай шад мярекатдал РД-дин Гьукуматдин Председатель Абдусамад Гьамидова, РД-дин Кьилин ва Гьукуматдин Администрациядин руководитель Исмаил Эфендиева, Россиядин кьуршахар кьунай спортдин федерациядин (ФСБР) президент Михаил Мамаишвилиди, ФСБР-дин сад лагъай вице-президент Омар Муртузалиева ва масабуру иштиракна. Мярекат ачухай А.Гьамидова Россиядин чемпионат государстводин сувариз-Россиядин Федерациядин Йикъаз-талукъарнавайди кьейдна, акъажунрин иштиракчийрихъ кьизгъин ва итижлу, гьа са вахтунда дуьз ва михьи бягьсер къалурдай устадвал хьун алхишна. А.Гьамидова вичин рахунра милли чемпионат чи республикада кьиле тухун-им Дагъустандин ва Россиядин тивар гьундуьр дережайриз акъудзавай чи спортсменкайризи, азаддаказ кьуршахар кьунай къакъан куклушриз хкаж хьайи спортсменар тир Загалав Аб-

дулбегаз, Бувайсар Сайтиеваз, Мавлет Батыроваз ва гзаф масабуруз гьурмет авунин лишан тирди алава хьувуна. Идалай гьейри, ада ФСБР-дин президент М.Мамаишвилиди Дагъустандиз еке фикир гунай, виниз тир дережадин акъажунар кьиле тухунай федерацияди хьсан кьимет гунай чухсагълул малумарна. Премьер-министрди Дагъустандин машгълул спортсмен ва чехи тренер, мукъвара юбилей кьейд авур Юрий Шагьмурадован тиварчи хьни тебрикдин гафар лагъана. Дагъустандин Кьилин Указдалди адаз "Дагъустан Республикадин вилик лайихлувилерай" орден гана.

Мярекатдал рахай Михаил Мамаишвилиди дишегълири кьуршахар кьунай Вирироссиядин чемпионат кьиле тухунин кьарар къаблуна республикадин кьиле авай ксариз чухсагълул малумарна. Акъажунрин иштиракчийрихъ агалкъунар хьана киванвиллин келимайрихъ галаз сад хьиз, и чемпионатди Парижда кьиле тухудай дуьньядин чемпионатда иштиракдай ва уьлкведин тивар машгълурдай рушарин команда гьазурдай мукинвал гуникни еке умудар кутунвайди кьейдна. Идалай кьулухъ, ФСБР-дин президентди Дагъустандин Кьил Р.Абдулатипова, РД-дин Халкъдин Собранидин Председатель Х.Шихсаидова, Дагъустандин Гьукуматдин Председатель А.Гьамидова, РД-дин физический культураддин ва спортдин рекъай министр М.Мегьамедова "Дагъустан Республикада азаддаказ кьуршахар кьун вилик тухунай" Чухсагълулдин грамотаяр вахкана. Гуьгьунлай Дагъустандин хореографиядин ансамблри, "Bone M" музыкадин дестеди ва Александр Серова кватI хьанвайбурун гуьгьулар хкажна.

10-июндиз, виликамаз кьиле тухвай бягьсерин нетижада, чемпионатдин финалдиз акъатай спортсменкайрин арада виридалайни итижлу ва кьизгъин бягьсер дагъустанви Хадиджат Муртузалиевадинни 2016-йисан Олимпиададин кьугьунрин гимишдин призёр Валерия Кобловадин арада кьиле фена. Абурун устадвилли тамашиз атанвай болельщикрин къадар гзаф тир. **В.КОБЛОВА** 6:2 гьисабдалди "кьизилдиз" лайихлу хьана. Хадиджат Муртузалиевади, талукъ тирвал, 2-чка кьуна. Россиядин чемпионкавиллин тиварариз мадни **ДАРЬЯ ЛЕКСИНА**, **Стайвира ОРШУШ**, **Мария ГУРОВА**, **Любовь ОВЧАРОВА**, **Валерия ЛАЗИНСКАЯ**, **Ханум ВЕЛИЕВА** ва **Алена ПЕРЕПЕЛКИНА** лайихлу хьана. Дагъустанви рушарикай лагъайтIа, **Инна ТРАЖУКОВАДИ** 2-чка, чи командадин патай экъечинавай **Любовь САЛЬНИКОВАДИ** 3-чка кьуна.

Рикел хуьнин турнир

ВОЛЕЙБОЛ

Райсудин НАБИЕВ

Мукъвара Сулейман-Стальский райондин Кьасумхуьрун спортдин залда волейболдай акъажунар кьиле фена. Турнир 1972-йисан 3-июндиз дидедиз хьайи ва авария-дикди 2006-йисан 12-январдиз рагьметдиз феи Ягьибегов Вилибег Ягьибегович рикел хуьниз талукъарнавай. Вилибег тивар-ван авай волейболист тир. Гьа са вахтунда ам азаддаказ кьуршахар кьунал, лишанар ягьунални машгълул тир. И рекъерай адахъ аквадай хьтин нетижаарни хьанай. Ам райондин ва лишанар ягьунаини республикадин чемпион тир.

Муниципальный районди ва Вилибеген дах Ягьибег кьиле аваз хизанри тухвай турнирда районда машгълур 4 командади ишти-

Сифте майдандал экъечай Курхуьрун ва Вилибег командайрин арада кьугьунар кьизгъиндиз кьиле фена. 2:1 гьисабдалди Курхуьрун команда гьалиб хьана. Гуьгьунлай акъажунар амай командайрин арадани кьиле фена, нетижаарни ихьтинбуру хьана:

Кьасумхуьр - Агъа СтIал 0:2; Курхуьр - Агъа СтIал 2:1; Вилибег-Кьасумхуьр 2:1; Курхуьр - Кьасумхуьр 2:1. Нетижайри тести-кьарзавайвал, командайрин арада 1-чкадиз Курхуьрун волейболистар лайихлу хьана. Кьвед ва пуд лагъай чкаяр патал Вилибег ва Агъа СтIал командайрин арада кьугьунар давам хьхьана. Сулейманан ватандин спортсменрин дурумлувал артух хьана. Абуру 2-чка кьуна.

Турнирдин судья Небиюлаев Тимур, секретарь Алиберова Ленади чпин жавабдар везифаяр, пад ягь тавуна, кьиле тухвана.

Кивенквечи чкаяр кьур командайризи талукъ дережайрин кубокар, дипломар, меда-



ракна. Акъажунар башламишдалди кьиле феи мярекатдал райондин кьилин сад лагъай заместитель Л.Оружев, информациядин агентстводин руководитель Ж.Асланов, образованидин управленидин начальниқдин заместитель Н.Аминов рахана. Абуру турнир тебрикна ва акъажунар спортсменрихъ агалкъунар хьана киванвайди лагъана. Ягьибегов Ягьибег вичин рахунра рагьметлу хьич хьайи спортдин агалкъунрикай куьрелди суьгьбетна, меслятдивди, хьсандиз кьугьунриз эвер гана.

лар, 25, 15, 10 агьзур манатдин къадарда аваз пулдин премияр гана. Кьугьунра тафаватлу хьайи волейболистар гьурметдин грамотаярни вахкана. Кьейд тавуна жедач, вич кьиле-кьилиз хьсан кьугьвай ветеран Селимов Нариман райондин ветеранрин Советдин патай адан председател, отставкада авай полковник А.Гьажимуратова махсус приз вахкана. Эхирдай Я.Ягьибегова спортсменриз, тамашиз атанвайбуруз, вири иштиракчийризи чухсагълул лагъана, спортдал машгълул хьуниз эвер гана.

Агалкъунри шадарзава

Рагьидин ЭМИНОВ

Ахцегьрин 3-нумрадин умуми образованидин школадихъ (АООШ) хьсан гьазурвал авай рушарин волейболдин команда ава. Мартдин вацра Огни шегьерда волейболдай

патал турнирда иштиракна. Ана 2001-2002-йисара дидедиз хьанвай рушарин 7 команда кьугьвана. И акъажунра 3-нумрадин АООШ-дин волейболисткайри сифте Махачкъаладин командадин винел 2:0 гьисабдалди гьалибвал къазанмишна. Финалда абуруз Кьурагь райондин команда кумукьна. ИкI, Ахцегь райондин волейболисткайр 1-чкадиз лайихлу хьана.

Кьилепатан Сухокумскда волейболдай тухвай турнирдани чи рушарин командади 1-чка кьуна. Вири кьугьунра и командадикъвай Марьям Гьабибуллаева, Нажабат Бабаева, Гуьлбиче Чубанова, Пери Исмаилова (командадин капитан), Юлия Крамар, Ирада Къазиева, Камила Кьасумова, Изабелла Зейналова, Жасмина Шагьбанова, Айиша



тухвай турнирда ада 1-чка кьуна. Амма и кардай командадиз гана киванвай Гьурметдин грамота кьени адав агакънавач. Идалай гуьгьунриз и командади РД-дин кивенквечивал

Гуьлметова (тренер Б.Нуррагьмедов) тафаватлу хьана. Умудлу я хьй, 3-нумрадин АООШ-дин волейболисткайри чун гележегьда цийи агалкъунралди шадарда.

понеделник, 19 июня. РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Телепрограмма на понедельник, 19 июня, включающая программы на каналах РГВК, Первый, Россия 1, НТВ, Домашний, ТВ-Центр и Звезда.

вторник, 20 июня. РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Телепрограмма на вторник, 20 июня, включающая программы на каналах РГВК, Первый, Россия 1, НТВ, Домашний, ТВ-Центр и Звезда.

среда, 21 июня. РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Телепрограмма на среду, 21 июня, включающая программы на каналах РГВК, Первый, Россия 1, НТВ, Домашний, ТВ-Центр и Звезда.

четверг, 22 июня. РГВК, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР, ЗВЕЗДА. Телепрограмма на четверг, 22 июня, включающая программы на каналах РГВК, Первый, Россия 1, НТВ, Домашний, ТВ-Центр и Звезда.



Республикадин школяр учебникралди таъминарунин дережа 40 процентдилай са живи артух я

Бес къадарда таъминарда

Рагнеда РАМАЛДАНОВА

Алай йисан 8-июндиз Махачкъалада Дагъустандин образованидин илимдин министерстводи ва "Просвещение" издательство" АО-ди республикадин школяр учебникралди таъминарунин жигъетдай икърар кутунна. И юкъуз лазим документрал РД-дин образованидин илимдин министр Шагъабас Шагъова ва винидихъ тивар къунвай АО-дин исполнительный директор Михаил Кожевникова къулар члугуна. Мярекатда министрводин къуллугъчийри, меркездин мектебрин директорри, журналист-ри иштиракна.

Мярекат ачухай Ш.Шагъова мукъвара Санкт-Петербургда къиле феи экономикадин форумдин сергъятра аваз Дагъустандин Къил Р.Абдулатипова ва "Просвещение" издательство" АО-дин президент Владимир Узуна республикада образованидин ери хкажунин ва ам вилик тухунин рекъй икърардал къул члугурди рикел хкана. Къилди къачуртла, республика лазим къадарда аваз, яни мектебра къитвал гъисс тийидайвал, учебникралди таъминарда. Республикади лагъайтла, учебникар маса къачур пул пуд йисан вахтунда вахкун лазим я.

И икърардихъ Дагъустан патал еке мет-

леб авайди министрди вичин рахунра мад сеферда къейд хъувуна. Адан гафарай малум хъайивал, алай вахтунда республикадин школяр учебникралди таъминарунин дережа 40 процентдилай са живи артух я. Ихътин шартлара "Просвещение" издательстводи теклифнавай проект - им республика патал еке куьмек я.

Вичин нубатдай яз, Михаил Кожевникова алай йисан 2-июндиз къиле феи экономикадин форумдал Дагъустандин "Просвещение" компаниядин арада къулар члугур икърарди, гъам муаллимар гъазурунал, гъамни пешекарвили педагогвили чирвилер гуни кваллахдиз къуват гунал гъалтайлани, гъам бедендин мумкинвилер сергъятламинавай аялрихъ, гъамни чпин бажарагъвал екеди тир аялрихъ галаз кваллахунин рекъйни еке мумкинвилер ачухзава. Михаил Юрьевича чеб республикадиз куьмек гуз гъазур тирдахъ, алай йисуз республикадин вири школайрив лазим вири учебникар агакъардайдахъ инанмишарна, лазим атайтла, методикадин пособиалди таъминарун хиве къуна.

Мярекатдал рахай Махачкъаладин 13-нумрадин гимназиядин директор Муминат Муртазаевади, Махачкъаладин образованидин Управленидин начальник Тагъир Мансурова "Просвещение" издательстводин яргъал йисарин кваллахдилай разивал къалурна. М.Муртазаевади са жерге теклифарни гана.

Цийи ктаб

Илгъамдарин "Булах"

Хийр ЭМИРОВ

И йикъара меркезда "Мавел" издательствода "Булахдин чешмедал" тивар алаз 15 шаирдин уртах ктаб акъатнава (гъазурайбур - Нариман Ибрагъимов, Гюзеля Гъасанова). Адаз уьмуьр акунихъ вичин бинени ава.

Белки куь рикелай алатнавач, 2016-йисан августдин вацра Мегъарамдхуьруьн райондин Советский хуьре, Гъасановрин квалле, яратмишунрал машгул ксар къватл хъанай ва абур ширатдал, дидед члалал рикл алайбурун "Булах" тивар алай къватлал тешкилнай. Абуру чпин гележегдин мурадрикани суьгъбетнай. Инал заз къватлалдин тешкилатчи, регъбер Гюзеля Гъасановадин гафар гъиз кланзава.

"Зун Урусатда уьмуьр тухузвай, ватандихъ цигел инсанрикай сад я. Интернетда (лезгинетда) жуван дидед члалал хъизвай, шииррикай баянар гузвайбур акурла, зун ца-вук хклада, зи рикли цуьк ахъайда, вучиз лагъайтла ширатдал зи гъевчи члавалай рикл алай, шиирарни хъизвай. И рекъй пай ганвай гъафбурукайни заз дустар хъана: садбур уьмуьрдин укьуь-цуру акунвай, шиирар фадлай хъизвайбур, муькуьбур лагъайтла, шииратдин рекъе кичлез-регъуьз сифте камар къачузвайбур. Чун чаз, яшдиз килиг тавуна, пара мукъва я, вучиз лагъайтла руьгъдин мукъ-

вавал, зи фикрдай, ивидин мукъвавилелайни виняй я. Зи руьгъдин мукъва вахаризни стхайриз Аллагъди лувар-илгъам ганва, абурун виридалай мукъва дуст - къелем я. Сад садавай мензилриз гъаф яргъа аватлани, чна алакъаяр мадни гегъеншарзава. Мукъвал-мукъвал ватандикай, хайи чилин ширинвилекай, дидед члалакай, халкъдин четинвилекай, уьмуьрдин татугай шартлрикай ширралди суьгъбетар ийизва..."

Гъелбетда, къватлалдин вилик гъаф важиблу крар ква, жуьреба-жуьре месэлярни гъална кланзава. Амма сад лагъай бегъер - ктаб арадал атанва, чапнава. Им сифте кам я. Булах, тебиатдин адет яз, чешмедилай башламиш жедайди я, и кар сеbeb яз, чна чи уртах ктабдизни "Булахдин чешмедал" тивар ганва".

Инал са ихътин карни къейд ийиз кланзава, яратмишзавай ксарин къватлал тешкилнавайдакй прессада, Интернетда хабар гана. И карди гъаф инсанрик гъевес, шадвал кутуна, абур (Руслан Къафланов - Красноярск; Къадимбег Ильясов - Дружба; Шагъмардан Арран - Азербайжан; Нина Абукарова - Къазахстан, Актау; Намик Фарзалиев - Екатеринбург; Гуьлжагъан Мисриханова - Голландия, Утрехт; Дилара Ашурбегова - Махачкъала ва маса ксари) "Булахдиз" чпин шериквал къалурна. Абуру къе санал ала, са къватлалди саднава.

"Булахди" къил къачунва, гележег вилик ква!... Хъсан рехъ ваз, цийи къватлал!..

Кваллах гужлу ийин

Хазран КЪАСУМОВ

И йикъара "Сулейман-Стальский район" МР-дин къил Нариман Абдулмуталибова "Лезги газетдин" къилин редактор Мегъамед Ибрагъимов, адан заместитель Муса Агъмедов, райондин информациядин агентстводин регъбер Жабраил Асланов, "Куьредин хабарар" газет-

- "Лезги газет" къинин жигъетдайни район вилик жергеда авай муниципалитетрик акатзава, - къейдна М.Ибрагъимова. - Ихътин дуствилин алакъаяр къеве тереф патални менфятлу я.

Райондин массовый информациядин такъатрин журналистар тир А.Мирзалиевади, Х.Къасумова, Л.Саидовади, А.Гъуьсейнова чпин кваллахдикай, фикирдик квай месэлярикай лагъана.



Сулейман-Стальский района алай йисан 1-паюна "Лезги газет" 2047 касди кхъенвай

дин редактор Асият Мирзалиева, Къасумхуьруьн телевиденидин руководитель Агъмед Гъуьсейнов, райондин газетдин сайтдин корреспондентар къабулна.

Мегъамед Ибрагъимова ва Муса Агъмедова эхиримжи вахтара "Лезги газетда" хъанвай дегишвилерикай, цийиз ачухнавай рубрикайрикай, гележегдин планрикай суьгъбетна, газетдин журналистрини райондин руководителдин ва яратмишдай интеллигенциядин векилрин арада авай алакъа сихди, дуствилинди тирди къейдна, райондин телевиденидай гъар гафтеда "Лезги газет" ва "Куьредин хабарар" газетрин обзор гунал разивал къалурна.

- Газет гъукумдинни халкъдин арада авай арачи хъун лазим я, - лагъана Н.Абдулмуталибова. - И рекъй "Лезги газетдин" кваллах эхиримжи йисара хъсан хъанва, райондин "Куьредин хабарар" газет, чкадин телевидение ва сайтни кваллах вилик тухуз алахънава.

Райондин къили малуматрин такъатриз дикъет гуни чак - журналистрик, ашкъи-гъевесни кутуна. Гъам газетрин, гъам райондин сайтдин кваллах хъсан хъун - им райондин руководстводиз, журналистриз ва халкъдизни кланзавай кар я. Виридан куьмекдалди и кваллах тамамариз алакъдайдал шак алач.

Вичин хатл авай шаир



Райсудин НАБИЕВ

Абидин Саидович КАМИЛОВ тийжир кас Сулейман-Стальский районада бажарат гъалтда.

1951-йисуз Сулейман-Стальский райондин Асалдхуьре хайи адан 66 йис тамам хъанва.

"Куьредин хабарар" газетдин культурадин отделдин заведующий, гъа са вахтунда редактордин заместительни тир ада ДГУ-дин филфак яру дипломдалди акъалтарна. Гъаф савадлу, лезги члал, адан сирер дериндай чизвай, абур инсанрални агакъардай бажарагъ авай пешекар тир А.Камилован 66 йис

тамам хъун райондин къилин библиоте-када шад мярекат хъиз къейдна.

Ана Сулейман-Стальский райондин къил Нариман Абдулмуталибова, райондин депутатрин Собранидин председатель Штибег Мегъамедханова, райондин къилин сад лагъай заместитель Лацис Оружева, информациядин агентстводин регъбер Жабраил Асланова ва жавабдар маса ксари иштиракна.

Мярекатдал Я.Ярагъмедов, Ш.Шабатов, А.Агъмедпашаев, Ж.Асланов, ветеранрин райсоветдин председатель А.Гъажимуратов ва масабур рахана. Абуру А.Камилован яратмишунрикай хуш гафар лагъана ва адав администрациядин патай Гъуьрметдин грамота вахкана.

